

- 1' Wem noch vil pfrunden hie ist nott
- 2' Des esel felt me dann er got
- 3' Vil seck die sint des esels dot



Von vile der pfrunden

- 1 Der ist eyn narr / wer hat eyn pfrûn
- 2 Der er alleyn kum recht mag tûn
- 3 Vnd ladt noch vff so vil der seck
- 4 Biß er den esel gantz ersteck

5 Eyn zymlich pfründ nert eyne wol
 6 Wer noch eyne nymbt / der selb der sol
 7 Acht han / das er eyne oug bewar
 8 Das jm das selb nit ouch vß far
 9 Dann wo er noch eyne dar zû nymt
 10 Würt er an beyden ougen blynt
 11 Dar nach keyne tag noch nacht hat rûw
 12 Wie er on zal vff nem dar zû
 13 Als ist dem sack der boden vß
 14 Biß er fert jn das gernerhuß /
 15 Aber man dût yetz dispensieren
 16 Dar durch sich mancher ist verferien
 17 Der meynt das er sy sicher gantz
 18 So eilff vnd vnglück würt syn schantz /
 19 Mancher vil pfründen bsitzen dût
 20 Der nit wer zû eym pfründlin gût
 21 Dem er alleyn wol recht môcht tûn
 22 Der bstelt / duscht / koufft / so manig pfrûn
 23 Das er verirrt dick an der zal
 24 Vnd dût jm also we die wal
 25 Vff welcher er doch sitzen well
 26 Do er môg syn eyne gût gesell
 27 Das ist eyne schwâr sorglich collect
 28 Worlich der dot jm hafene steckt
 29 Seltten man pfründen yetz vß gyt
 30 Symon vnd Hyesi louffen mit
 31 Merck / wer vil pfründen haben well
 32 Der letsten wart er jn der hell
 33 Do würt er fynden eyne presentz
 34 Die me dût / dann hie sechs absentz

9 nymt GW5046 GW5047] nynnt GW5041